



JAVNA ZDRAVSTVENA USTANOVA
CENTAR ZA FIZIKALNU MEDICINU,
REHABILITACIJU I BANJSKO
LIJEČENJE „ILIDŽA“ GRADAČAC
Broj: 09-1305/2020
Datum: 22.07.2020.god.



Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 09- 1305/2020 od 21.07.2020. godine, u postupku javne nabavke roba Nabavka i sukcesivna isporuka Raznih prehrambenih artikala za 2020. godinu, direktor Javne zdravstvene ustanove Centar za fizikalnu medicinu, rehabilitaciju i banjsko liječenje „Ilidža“ Gradačac dana 22.07.2020. godine donio je

ODLUKU

o izboru najpovoljnijeg ponuđača za javnu nabavku roba
Nabavka i sukcesivna isporuka Raznih prehrambenih artikala za 2020. godinu

Član 1.

Prihvata se Preporuka Komisije za javne nabavke broj: 09-1305/2020 od 21.07.2020. godine i ugovor za javnu nabavku roba Nabavka i sukcesivna isporuka Raznih prehrambenih artikala za 2020. godinu u JZU Centar za fizikalnu medicinu, rehabilitaciju i banjsko liječenje „Ilidža“ Gradačac dodjeljuje se ponuđaču „REDEX“ d.o.o. Banovići, ponuda broj: 09-1209/2020 od 08.07.2020.godine za ponuđenu cijenu **49.928,50 KM bez PDV-a.**

Član 2.

Ugovor će se zaključiti u roku od 15 dana računajući od dana kada su ponuđači obaviješteni o izboru najpovoljnije ponude.
Izabrani ponuđač dužan je u roku od 5 dana od dana prijema Odluke o izboru najpovoljnijeg ponuđača dostaviti traženu dokumentaciju.

Član 3.

Za izvršenje ove odluke zadužuje se i ovlašćuje Komisija i Služba nabave.

Član 4.

Ova odluka objavit će se na web-stranici www.banjagradacac.com istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 09-1035/2020 od 19.06.2020. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 49.928,50 KM.

Broj obavještenja o nabavci: 412-7-1-52-3-7/20 a objavljeno je na Portalu javnih nabavki dana 19.06.2020.godine.

Poziv za preuzimanje tenderske dokumentacije iz sistema „E-nabavke“ poslan je sljedećim ponuđačima:

- „BOSNA-KOM“ doo Gračanica,
- „MEŠIĆ-COM“ d.o.o. Gradačac,
- „DELUX EURO PROFI“ d.o.o. Gradačac,
- „REDEX“ doo Banovići.

Prema izvještaju o preuzimanju tenderske dokumentacije od strane ponuđača broj postupka:412-7-1-52/20 tendersku dokumentaciju iz sistema "E-nabavke" preuzeli su 9 (devet) ponuđača.

Ponudu su dostavili slijedeći Ponuđači:

1. „REDEX” d.o.o. Banovići, ponuda broj: 09-1209/2020 od 08.07.2020. godine za ponuđenu cijenu 49.928,50 KM bez PDV-a,
2. “BOSNA-KOM” d.o.o. Gračanica, ponuda broj: 09-1210/2020 od 08.07.2020.godine za ponuđenu cijenu 49.928,00 KM bez PDV-a,
3. “LILAZ” d.o.o. Gradačac, ponuda broj: 09-1213/2020 od 08.07.2020.godine za ponuđenu cijenu 49.802,55 KM bez PDV-a.

Komisija za javnu nabavku izvršila je ocjenu pristiglih ponuda, te konstatovala je slijedeće:

- ukupan broj prispjelih ponuda : 3 (tri)
- sve ponude su blagovremeno zaprimljene na protokol ugovornog organa,
- prihvatljiva je ponuda ponuđača “REDEX” d.o.o. Banovići broj: 09-1209/2020 od 08.07.2020.godine jer ispunjava sve uslove Tenderske dokumentacije;
- neprihvatljive su ponude ponuđača:
 - “BOSNA-KOM” d.o.o. Gračanica broj: 09-1210/2020 od 08.07.2020.godine i
 - “LILAZ” d.o.o. Gradačac broj: 09-1213/2020 od 08.07.2020. godine .

Ponuda ponuđača “BOSNA-KOM” d.o.o. Gračanica broj: 09-1210/2020 od 08.07.2020.godine je neprihvatljiva iz slijedećih razloga:

1.Ponuda ne ispunjava uslove iz tačke 3.2. d) Dokument 4. Tenderske dokumentacije, koji glasi:

“Dokument 4: Fotografije ponuđenih artikala dostavljaju se u koloru sa jasnom rezolucijom,slika veličine A4 formata,za robe iz Aneksa 1 Tenderske dokumentacije na kojima se jasno vidi naziv proizvođača, naziv proizvoda i neto težina, ovjerene pečatom ponuđača,čvrsto uvezane i numerisane prema rednom broju naznačenim u Obrascu za cijenu ponude u Aneksu 1”.

Fotografije artikala pod rednim brojevima: 11., 16. i 17. imaju slijedeće nedostatke:

- Fotografija 11. (Kakao pakovanje do 1 kg) - nedostaje neto težina proizvoda;
- Fotografija 16. (Maslac ug. pakovanje 10 gr., minimalno 82% mm) - nije vidljiv sastav proizvoda, te nije moguće utvrditi da li maslac sadrži minimalno 82% mm ;
- Fotografija 17. (Masline crne i zelene pakovanje do 1 kg) -nedostaje neto težina proizvoda.

2.Proizvod pod rednim brojem 25. (Sir topljeni u trokutićima 140-180 gr. Masni topljeni sir.Sadrži minimalno 35% mliječne masti u suhoj tvari.Minimalno 36% suhe tvari.)- ne odgovara uslovima iz TD jer u sastavu proizvoda nije naveden postotak suhe tvari.

U skladu sa navedenim, Komisija za javne nabavke konstatovala je da ponuda ponuđača “BOSNA-KOM” d.o.o. Gračanica broj: 09-1210/2020 od 08.07.2020. godine , ne ispunjava zahtjeve tražene Tenderskom dokumentacijom broj 09-1038/2020 od 19.06.2020. godine, te je u skladu sa članom 68. stav (4) tačka i) Zakona o javnim nabavkama (“Službeni glasnik BiH” broj: 39/14) odbacuje kao neprihvatljivu.

Ponuda ponuđača "LILAZ" d.o.o. Gradačac broj: 09-1213/2020 od 08.07.2020.godine je neprihvatljiva iz slijedećih razloga:

1. Ponuda ne sadrži originalne obrasce, koji su sastavni dio Tenderske dokumentacije.

Navedeno nije u skladu sa tačkom 5.2. Tenderske dokumentacije, koja glasi:

"5.2. Sadržaj ponude - Ponuda treba da sadrži:

- ime i sjedište ponuđača,*
- popunjen obrazac za ponudu,*
- cijenu sa svim elementima koji je čine, kao i potrebnim obavještenjima, na način kako je definirano u tenderskoj dokumentaciji,*
- izjavu o ispunjenosti uslova iz člana 45. stav (1) tačka a) do d) ZJNBiH,*
- izjavu iz člana 52. ZJNBiH,*
- izjavu i obične kopije dokumenata kojima ponuđač dokazuje ispunjenost uslova iz člana 47. ZJNBiH,*
- izjave i potvrde kojima ponuđač dokazuje tehničku i profesionalnu sposobnost,*
- popunjeni obrazac za cijenu ponude,*
- potpisan nacrt ugovora,*
- ostalo traženo u tenderskoj dokumentaciji*
- pisani dokaz o ekvivalentima prema tački 5.2. (ako ponuđač nudi ekvivalent za tražene proizvode),*
- datum ponude,*
- potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji,*
- ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište podnosioca ponude podnosilac ponude nema pečat,*
- popis dokumenata uz ponudu koji čine sadržaj ponude".*

2. Ponuda je spiralno uvezana (nije ukoričena u knjigu ili osigurana jamstvenikom).

Navedeno nije u skladu sa tačkom 5.3. alineja 2. Tenderske dokumentacije, koja glasi:

"Ponuda se čvrsto uvezuje na način da se onemogućí naknadno vađenje ili umetanje listova. Ponuda mora biti čvrsto uvezana i sve strane ponude numerisane (izuzev štampane literature, brošura, kataloga i sl.). Pod čvrstim uvezom, podrazumijeva se ponuda ukoričena u knjigu ili ponuda osigurana jamstvenikom."

3. Aktuelni izvod iz sudskog registra nije kompletan, nedostaju stranice broj: 2. i 4. istog dokumenta.

4. Referens lista i potvrda o realizaciji ugovora ne sadrže podatke o vrsti robe, te nije moguće utvrditi radi li se o istim ili sličnim robama traženim TD.

U skladu sa navedenim, Komisija za javne nabavke konstatovala je da **ponuda ponuđača "LILAZ" d.o.o. Gradačac broj: 09-1213/2020 od 08.07.2020. godine**, ne ispunjava zahtjeve tražene Tenderskom dokumentacijom broj 09-1038/2020 od 19.06.2020. godine, te je u skladu sa članom 68. stav (4) tačka i) Zakona o javnim nabavkama ("Službeni glasnik BiH" broj: 39/14) **odbacuje kao neprihvatljivu.**

Komisija za javnu nabavku konstatovala je da je dostavljena jedna prihvatljiva ponuda, da nisu ispunjeni uslovi za zakazivanje e-aukcije, te predložila direktoru Ustanove da donese Odluku o izboru najpovoljnijeg ponuđača u postupku javne nabavke roba: Nabavka i sukcesivna isporuka Raznih prehrambenih artikala za 2020. godinu.

U skladu sa članom 70. st. 1., 3. i 6. Zakona o javnim nabavkama („Sl. glasnik BiH“, broj 39/14) i Preporukom Komisije za javnu nabavku broj: 09- 1305/2020 od 21.07.2020. godine, odlučeno je kao u članu 1. ove Odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

1. Ponuđačima x3,
2. Web stranica Ugovornog organa,
3. a/a



DIREKTOR:

Tokić dr.Enes spec.fizijatar